

55. “ Hanc corpore meo oblato ex unguibus tuis redimere æquum est ;  
 “ ita neque tu fraudaberis jentaculo, neque anachoreta sacrificiorum sub-  
 “ sidio privatus erit.

56. “ Tu quoque, alieno arbitrio subjectus, hoc scis, (magna enim est  
 “ cura tua pro hac *devadârue* arbore) haud quemquam illæsum accedere  
 “ posse ad dominum, perduto eo, quod curæ suæ commissum fuit.

57. “ Si vero ego non necandus tibi videar, in gloriam meam etiam  
 “ misericors esto ! Mei similes haud sane solliciti sunt de libis istis, quæ,  
 “ ex elementis facta, certæ morti obnoxia sunt.

58. “ Amicitiam incipere dicunt a colloquio ; contigit hoc nobis obviam  
 “ factis in sylva : quare tu, *SIVÆ* minister, meam, socii tui, benevolentiam  
 “ haud repudiare debes.”

59. “ Esto !” Ita locuto leoni *DILÍPAS*, brachii impedimento cessante,  
 armis depositis, corpus suum obtulit, quasi carnis libum.

60. Eodem temporis momento super civium moderatorem, qui vultu  
 averso dirum leonis impetum expectabat, decedit florum imber, e manibus  
*Vidyádharorum* demissus.

61. “ Surge mi fili !” Hanc vocem, nectari similem, audiens prolatam,  
 surgensque, vidit rex ante se vaccam lactiferam, genitricem quasi suam,  
 non vero leonem.

62. Attonitum illum allocuta est vacca : “ Bone, spectro creato a me  
 “ tentatus es ; propter sapientis excellentiam ne *YAMAS* quidem mecum  
 “ pugnare valeret, ne dicam feræ.

63. “ Delectatus sum, mi fili, veneratione tua erga magistrum, atque  
 “ misericordia tua in me : beneficium elige ! Scito me non lac solum  
 “ præbere, sed, dum alicui faveam, omnimulgam esse.”

64. Exinde rex, munificus in egenos, qui manibus suis herois nomen  
 sibi comparaverat, manibus junctis filium petiit e *SUDAKSHINA*, stirpis pro-  
 pagatorem atque perenni gloria præditum.

65. “ Esto !” Ita vacca regi, sobolis cupido, desiderium suum pollicita,  
 sic ei imperavit : “ Bibe, mi fili, lac meum mulctum in vas foliaceum.”

66. “ Quod a vitulo tuo atque e cærimoniis sacris relictum erit, mater,